

Oldi-sotdi shartnomasini tuzish uchun OMMAVIY OFERTA

Toshkent sh.

Mazkur hujjat Direktor Saydaliyev Saydali Xasanovich (matnda keyingi o'rinlarda – Sotuvchi) tomonidan taqdim qilingan “PRIME ONLINE TECHNOLOGY” MCHJning O'zbekiston Respublikasi Fuqarolik kodeksining 367- va 369-moddalariga muvofiq yuridik shaxslarga, yakka tartibdagi tadbirkorlarga, o'zini o'zi band qilgan shaxslarga (matnda keyingi o'rinlarda – Xaridor) Tovar oldi-sotdi shartnomasini tuzish to'g'risida yo'llangan Ofertasi hisoblanadi. Sotuvchi faoliyati davomida O'zbekiston Respublikasi Fuqarolik kodeksi qoidalariga amal qiladi.

“PRIME ONLINE TECHNOLOGY” MCHJ www.smartpos.uz va/yoki www.uzkassa.uz Saytida joylashtirilgan ushbu Oferta matni bilan diqqat bilan tanishib chiqishni va Ofertaning biron-bir bandidan norozi bo'lgan taqdirda, ushbu Ofertani qabul qilish va Shartnomani tuzishdan voz kechishni taklif qiladi. Ushbu Shartnoma Xaridor tomonidan qabul qilingan paytdan e'tiboran tuzilgan deb hisoblanadi.

1. UMUMIY QOIDALAR

1.1. Ushbu Ofertada, agar uning mazmunidan o'zgacha ma'no kelib chiqmasa, quyida keltirilgan atamalar quyidagi ma'nolarga ega bo'ladi va uning ajralmas qismi hisoblanadi:

Oferta – Tovarning oldi-sotdi shartnomasini (matnda keyingi o'rinlarda – Shartnoma) Ofertada ko'rsatilgan shartlarda, shu jumladan uning barcha ilovalari doirasida tuzish to'g'risida Sotuvchining ommaviy taklifi hisoblanadigan mazkur hujjat.

Oldi-sotdi shartnomasi – Xaridor tomonidan ko'rsatilgan shartnomani tuzish to'g'risidagi taklif shartlari aksept qilinishi natijasida Xaridor va Sotuvchi tomonidan tuzilgan oldi-sotdi shartnomasi sanaladi.

Sotuvchi – «PRIME ONLINE TECHNOLOGY» MCHJ (STIR 306866358, ro'yxatga olish manzili: O'zbekiston Respublikasi, Toshkent shahri, Bektemir tumani, Oltintopgan ko'chasi, 29-uy).

Xaridor – Sotuvchi bilan ushbu Ofertada ko'rsatilgan shartlarda Oldi-sotdi shartnomasini tuzgan yuridik shaxs, va/yoki yakka tartibdagi tadbirkor, va/yoki o'zini o'zi band qilgan shaxs.

«Tomon» yoki «Tomonlar» – tegishli ravishda alohida yoki birgalikda tilga olinadigan Xaridor va Sotuvchi.

Aksept – Xaridor tomonidan Shartnoma shartlarining to'liq va so'zsiz qabul qilinishi. Sotuvchi tomonidan taklif etilgan Tovar qiymatining oldindan to'lovi (birinchi to'lovi) amalga oshirilishi aksept hisoblanadi.

Tovar – Onlayn-NKM sifatida davlat reyestrda ro'yxatdan o'tkazilgan «A-PAY P10» (Android POS TERMINAL P10) rusumli Onlayn nazorat-kassa mashinasi va/yoki Mini POS Terminal M1 (P12) (matnda keyingi o'rinlarda – Tovar).

2. SHARTNOMA MAVZUSI

2.1. Sotuvchi Xaridorga Tovarni mulk qilib topshirish majburiyatini o'z zimmasiga oladi, Xaridor esa Tovarni ushbu Shartnomada nazarda tutilgan tartibda va shartlarda qabul qilish va to'lash majburiyatini oladi.

2.2. Tovar Sotuvchiga mulk huquqi asosida tegishli bo'lib, uchinchi shaxslarning har qanday huquqlaridan xoli, garov bilan yuklanmagan, xatlov ostida emas.

2.3. Sotuvchi sotiladigan Tovarlarining yangi va ilgari foydalanilmaganligini kafolatlaydi.

3. SHARTNOMA TUZILGAN VAQT (OFERTANI AKSEPT QILISH)

3.1. Ushbu Shartnomaning matni ommaviy oferta (ushbu shartnomani tuzish taklifi) ekanligiga asoslanib, Xaridor Sotuvchi tomonidan taklif qilingan va Xaridor tomonidan tanlangan Tovarning qiymati uchun to'lovni amalga oshirishi ushbu ommaviy ofertaning Aksepti (ushbu shartnomani tuzish taklifini qabul qilish) deb sanaladi.

3.2. To'lovni amalga oshirish Xaridorning ushbu Oferta shartlarini hech qanday cheklavlarsiz, mustasnolarsiz, izohlarsiz yoki istisnolarsiz to'liq hajmda qabul qilishini (roziligini) anglatadi.

4. HISOB-KITOBLAR TARTIBI

4.1. Tovarning qiymati Sotuvchi tomonidan bir tomonlama so'zsiz tartibda belgilanadi va quyidagilarni tashkil etadi:

- “A-Pay P10” onlayn NKM (Android POS TERMINAL P10) – Tovarning bitta birligi uchun 2 699 000 (ikki million olti yuz to'qson to'qqiz ming) so'm, 12% QQSni qo'shgan holda;
- Mini POS Terminal M1 (P12) – tovarning bitta birligi uchun 1 399 000 (bir million uch yuz to'qson to'qqiz) so'm, 12 % QQSni qo'shgan holda;

4.2. Tovar uchun to'lov Xaridor tomonidan Pul mablag'larini Sotuvchining hisob raqamiga 100% o'tkazish yo'li bilan amalga oshiriladi. Bunda Xaridorning Shartnoma bo'yicha haq to'lash borasidagi majburiyatlari pul mablag'lari Sotuvchining hisob raqamiga kelib tushgan kundan boshlab bajarilgan hisoblanadi.

4.3. Xaridor o'zi tomonidan tanlangan Tovar qiymatini 100% (yuz foiz) oldindan to'laydi. Xaridor Tovarning turli xilini ham birga, ham alohida sotib olish huquqiga ega.

4.4. Xaridor Tovarlar uchun to'lanagan to'lovlarning to'g'riligi uchun javobgardir.

5. TOVARNI XARIDORGA TOPSHIRISH TARTIBI

5.1. Sotuvchi mazkur Shartnomaga muvofiq, Xaridor tomonidan tanlangan tovar uchun Sotuvchining hisob raqamiga 100% oldindan to'lov kelib tushganidan keyin Xaridor tomonidan Tovar talab qilib olingan paytdan boshlab 3 (uch) ish kuni mobaynida Tovarni Xaridorga topshirish majburiyatini o'z zimmasiga oladi.

5.2. Tovarni miqdori bo'yicha qabul qilib olish, shuningdek yaxlitligi, butligi va tashqi nuqsonlari bo'yicha tekshirib olish Xaridor tomonidan bevosita Tovarni berish paytida amalga oshiriladi va topshirish hujjati (qabul qilish-topshirish dalolatnomasi) ni imzolash yo'li bilan tasdiqlanadi. Xaridor Tovarni qabul qilib olish paytida tovarning butligi buzilganligini, nuqsoni borligini yoki but emasligini aniqlanganda, buni topshirish hujjatida qayd etishi shart. Xaridor tomonidan Qabul qilish-topshirish dalolatnomasi

e'tirozlarisiz imzolanganida, Tovar zarur miqdorda, tegishli sifatda yetkazib berilgan deb hisoblanadi va Tovar namunasi olingandan keyin uning butunligi, butligi va tashqi nuqsonlari bo'yicha da'volar qabul qilinmaydi.

5.3. Tovarni topshirish tovarni o'zi olib ketish shartlari asosida amalga oshiriladi. Tovarni yuklab jo'natish shanba, yakshanba va bayram kunlaridan tashqari ish kunlarida soat 10 dan 17 gacha amalga oshiriladi.

5.4. Tovarni berish Xaridor tomonidan tegishli tarzda rasmiylashtirilgan ishonchnoma taqdim qilingan, shuningdek oluvchining shaxsini tasdiqlovchi pasport taqdim etilgan taqdirdagina amalga oshiriladi. To'ldirish uchun belgilangan tartib buzilgan holda berilgan ishonchnoma taqdim etilganda, tuzatishlar, o'zgartirishlar va bulg'angan yozuvlar kiritilgan ishonchnoma taqdim etilganda, ishonchnomaning amal qilish muddati tugagan taqdirda, shuningdek nomiga ishonchnoma berilgan tovarni oluvchining pasporti (pasport nusxasi) taqdim etilmagan taqdirda, Shartnoma bo'yicha Tovar berish amalga oshirilmaydi.

5.5. Ushbu Shartnomada tovarni "o'zi olib ketish" asosida berish nazarda tutilganligini hisobga olib, Xaridor Tovarni Sotuvchidan mustaqil ravishda talab qilib olish uchun to'liq javobgar bo'ladi.

5.6. Xaridorga berilgan Tovarga bo'lgan mulk huquqi Tovar topshirilgan paytdan e'tiboran unga o'tadi. Tovarining tasodifan nobud bo'lishi yoki tasodifan shikastlanishi xavfi Tovar Tovar joylashgan manzilda haqiqatda Xaridorga topshirilgan paytdan boshlab Xaridor zimmasiga o'tadi.

6. TOMONLARNING HUQUQ VA MAJBURIYATLARI

6.1. Sotuvchining majburiyatlari quyidagilardan iborat:

6.1.1. ushbu Shartnomaga muvofiq qabul qilingan majburiyatlarni o'z vaqtida va lozim darajada bajarish;

6.1.2. ushbu Shartnomaga va O'zbekiston Respublikasining amaldagi qonun hujjatlariga muvofiq boshqa majburiyatlarni bajarish;

6.2. Xaridorning majburiyatlari quyidagilardan iborat:

6.2.1. to'lov amalga oshirilgunga qadar ushbu Ofertaning mazmuni va unda belgilangan shartlar bilan tanishib chiqishi;

6.2.2. ushbu Shartnomani tuzish va ijro etish uchun zarur bo'lgan ishonchli ma'lumotlar, dalillar va hujjatlarning Sotuvchiga taqdim etilishini ta'minlash;

6.2.3. Tovarni Sotuvchidan talab qilib olish uchun 100% oldindan to'lov amalga oshirilgan paytdan boshlab 3 (uch) ish kuni mobaynida Sotuvchiga mustaqil ravishda murojaat qilish. Bunda Xaridor ko'rsatilgan muddatlarda Tovarni talab qilib olish uchun Sotuvchiga murojaat qilmagan taqdirda, Sotuvchi Tovarni o'z vaqtida yetkazib bermaganlik uchun hech qanday javobgar emasligiga to'liq rozilik bildiradi;

6.2.4. Tovarni miqdoriga qarab qabul qilib olish. Tovarni qabul qilib olish paytida, uni vizual tarzda ko'zdan kechirishni va Tovarining ishlash qobiliyatining umumiy tekshiruvini amalga oshirish va kamchiliklar aniqlangan taqdirda, buni Qabul qilish-topshirish dalolatnomasida aks ettirish;

6.2.5. Ushbu Shartnomada o'rnatilgan tartibda va muddatlarda Tovarga haq to'lash;

6.3. Sotuvchi quyidagi huquqlarga ega bo'ladi:

6.3.1. Xaridordan ushbu Shartnoma shartlariga muvofiq majburiyatlarning to'g'ri bajarilishini talab qilish;

6.3.2. ushbu Oferta shartlarini bir tomonlama o'zgartirish va veb-saytda yangi versiyani nashr qilish. Yuqoridagi o'zgarishlar, agar boshqa qoidalar ko'rsatilmagan bo'lsa, e'lon qilingan kundan boshlab kuchga kiradi;

6.3.3. O'zbekiston Respublikasining amaldagi qonun hujjatlariga va ushbu Shartnomaga muvofiq boshqa huquqlarga ega bo'lish.

6.4. Xaridor:

6.4.4. Sotuvchidan majburiyatlarini mazkur Shartnoma shartlariga muvofiq bajarishini talab qilishqa haqli.

7. TOMONLARNING JAVOBGARLIGI

7.1. Tomonlar Shartnoma bo'yicha zimmalariga yuklatilgan majburiyatlarni bajarmaganlik yoki lozim darajada bajarmaganliklari uchun ushbu Shartnomaga muvofiq, Shartnomada nazarda tutilmagan hollarda esa – O'zbekiston Respublikasining amaldagi qonunchiligiga muvofiq javob beradilar.

7.2. Xaridor taqdim etilgan ma'lumotlarning mazmuni va ishonchliligi uchun mustaqil ravishda javobgar bo'ladi.

7.3. Sotuvchi Shartnoma bo'yicha sotib olingan Tovardan lozim darajada foydalanmaganligi oqibatida Xaridorga yetkazilgan ziyon uchun javobgar bo'lmaydi.

7.4. Agar Xaridorning tovar xususiyatlari haqidagi umidlari o'zini oqlamasa, Sotuvchi javobgar bo'lmaydi.

7.5. Sotuvchi Xaridorning uchinchi shaxslar oldidagi majburiyatlari bo'yicha javobgar bo'lmaydi.

7.6. Xaridor Tovarni qabul qilishdan bosh tortgan taqdirda, Xaridor o'z zimmasiga Sotuvchiga Tovar uchun belgilangan to'liq qiymatning 20 foizi (yigirma foizi) miqdorida jarima to'lash majburiyatini oladi.

7.7. Sotuvchi Shartnoma shartlarini buzganlik uchun javobgar emas, agar bunday buzilish fors-major holatlari (fors-major, jumladan: davlat organlarining harakatlari, yong'in, suv toshqini, zilzila, boshqa tabiat hodisalari, ish tashlashlar, fuqarolar tartibsizliklari, boshqa tartibsizliklar), Sotuvchining ushbu Oferta shartlarini bajarishiga ta'sir qilishi mumkin bo'lgan va Sotuvchining nazorati ostida bo'lmagan boshqa holatlar sababli yuzaga kelsa. Agar fors-major holatlari ikki oydan ortiq davom etsa, Tomonlar ushbu Bitimning keyingi huquqiy taqdirini birgalikda belgilaydilar.

8. NIZOLARNI HAL ETISH

8.1. Ushbu Shartnomadan kelib chiqadigan barcha munozarali masalalar muzokaralar o'tkazish va yozma da'vo yuborish yo'li bilan hal etilishi lozim. Da'voni olgan Tomon da'voni olgan paytdan e'tiboran 10 (o'n) kalendar kun ichida unga javob qaytarishi shart. Da'vo, agar u Tomonlarning rekvizitlari bo'yicha yuborilgan bo'lsa, agar u shaxsan qo'lga topshirilgan bo'lsa, telefaks orqali yuborilgan bo'lsa, buyurtma xat yoki kuryerlik xizmati orqali yuborilgan bo'lsa, elektron pochtaga yuborilgan bo'lsa, Didox.uz servisida va O'zbekiston Respublikasi hududida faoliyat yurituvchi boshqa elektron hujjat aylanish servislarida qo'yilgan bo'lsa, tegishli tarzda olingan, berilgan deb hisoblanadi.

8.2. Muzokaralar yo'li bilan kelishuvga erishilmagan taqdirda, ushbu Shartnoma bilan bog'liq holda yuzaga keladigan yoki uning buzilishi, bekor qilinishi, haqiqiy emasligi bilan bog'liq barcha nizolar, kelishmovchiliklar, talablar Toshkent tumanlararo xo'jalik sudida hal etilishi lozim (shartnoma bo'yicha sudlovga tegishlilik).

8.3. Agar ushbu Shartnomaning bir tomoni jismoniy shaxs bo'lsa, bu holda nizolar O'zbekiston Respublikasi Fuqarolik protsessual kodeksining 36-moddasiga muvofiq Sotuvchi ro'yxatdan o'tgan joydagi (yuridik manzili) Toshkent shahar tumanlararo fuqarolik

sudida hal etilishi lozim.

8.4. Shartnomani ijro etish joyi Sotuvchining joylashgan manzili (yuridik manzili) hisoblanadi.

9. SHARTNOMANING AMAL QILISH MUDDATI

9.1. Ushbu Shartnoma mazkur Oferta Aksept qilingan paytdan (Tovar uchun tegishli to'lov summasi Xaridor tomonidan Sotuvchining bank hisob raqamiga kelib tushgan sanadan) boshlab kuchga kiradi va barcha Tomonlar ushbu Shartnomaga muvofiq o'z majburiyatlarini, shu jumladan, neustoykani to'lash bo'yicha majburiyatlarni bajargan paytdan boshlab o'z kuchini to'xtatadi.

9.2. Xaridor tomonidan ushbu Ofertaning Aksepti Xaridor tomonidan ushbu Shartnoma shartlarining hech qanday istisnolarsiz yoki cheklovlarsiz to'liq va so'zsiz qabul qilinishini anglatadi va ikki tomonlama yozma Shartnoma tuzish bilan teng kuchga ega sanaladi.

9.3. Xaridor ushbu Ofertaning yangi tahrirdagi matnini Saytga joylashtirish orqali Xaridorni va boshqa shaxslarni xabardor qilgan holda, Sotuvchi istalgan vaqtda ushbu Shartnoma shartlariga o'zgartirishlar kiritishga haqli ekanligiga rozilik bildiradi. O'zgartirishlar Xaridorlar va uchinchi shaxslar uchun yangi tahrirdagi Oferta matni Saytda joylashtirilgan sanadan boshlab kuchga kiradi, agar boshqa shartlar nazarda tutilmagan bo'lsa).

10. BOSHQA SHARTLAR

10.1. Xaridor ushbu Shartnoma doirasida unga tegishli bo'lgan huquq va majburiyatlarni Sotuvchining yozma rozilgisiz boshqa shaxslarga topshirishga haqli emas. Sotuvchi esa, o'z navbatida, ushbu Shartnoma doirasida unga tegishli bo'lgan huquq va majburiyatlarni Xaridorning rozilgisiz boshqa shaxslarga topshirishga, sotishga, berib yuborishga haqlidir.

10.2. Tomonlar ushbu band bilan bir-birlariga quyidagilarni va'da qiladilar:

10.2.1. Shartnomani tuzayotgan shaxs Shartnoma tuzilgan sanaga qadar amalda bo'lgan ustav/ishonchnoma bilan belgilangan vakolatlari doirasida harakat qiladi;

10.2.2. Tomonlar Shartnoma bo'yicha zimmalariga olingan majburiyatlarini o'z vaqtida va to'liq (lozim darajada) bajarish uchun yetarlicha moliyaviy imkoniyatlarga egadirlar va Shartnomaning amal qilish muddati davomida shunday bo'ladilar;

10.3. Shartnoma tuzish orqali Xaridor Sotuvchiga ovoqli qo'ng'iroqlarni amalga oshirish huquqini beradi, shuningdek, ular o'rtasida tuzilgan shartnomaga muvofiq Sotuvchidan, shuningdek, Sotuvchi tomonidan vakolat berilgan boshqa shaxslardan xabarnomalar, sms-xabarlar, turli xil xabarlar olishga rozilik beradi.

10.4. Agar Shartnomaning biror qoidasi yoki sharti haqqoniy emas deb topilsa, bu holat Shartnomaning qolgan shartlari va qoidalari hamda umuman Shartnomaning o'zi haqqoniy emas deb topilishiga olib kelmaydi.

10.5. Tomonlar raqamli shaklda tuzilgan hujjatlar Xaridor tomonidan imzolangan bosma hujjatlar bilan bir xil yuridik kuchga ega ekanligi borasida kelishib oladilar.

10.6. Tomonlar 2 (ikki) bank kuni mobaynida bir-birlarini bank rekvizitlaridagi o'zgarishlar, shuningdek, Xaridor tomonidan Shartnoma bo'yicha majburiyatlarning bajarilishiga ta'sir ko'rsatishi mumkin bo'lgan holatlar to'g'risida yozma ravishda xabardor qilish majburiyatini o'z zimmalariga oladilar.

10.7. Shartnomada nazarda tutilmagan boshqa barcha masalalarda Tomonlar O'zbekiston Respublikasining amaldagi qonunlariga amal qiladilar.

SOTUVCHINING MANZILI VA REKVIZITLARI

“PRIME ONLINE TECHNOLOGY” MChJ

Manzil: 100089, O'zbekiston Respublikasi,

Toshkent shahri, Bektemir tumani, Oltintopgan

ko'chasi, 29-uy

STIR: 306 866 358

IFUT: 46690

h/r: 2020 8000 4051 4368 5001

«KAPITAL BANK» ATB

FAA (MΦO): 01088

Bank STIRi: 207 127 843